

# AN SORCAS

Gníomhartha agus geáitsíocht a dhéanamh de réir mar a bhíonn gá leo.

## CÉIM 1. CLOISTEÁIL AGUS AITHINT

### Cuntas Reatha

Chuaigh Mamaí, Daidí agus an triúr páiste go dtí an sorcas. Fuair Daidí na ticéid. Ansin shuigh an cúigear acu síos. Tháinig an fear grinn amach.

### Agallamh

PÁID: Nach bhfuil a shrón an-dearg?

BRÍD: Tá. Agus tá a gheansaí an-fhada.

DAIDÍ: Féach! tá capall ag teacht anois. Agus tá cailín ina seasamh ar a dhroim.

NÓIRÍN: Ó! titfidh sí ar an talamh.

MAMAÍ: Ní thitfidh, a stór.

DAIDÍ: Tá an moncaí ag teacht anois. Féach! tá sé ag imirt peile.

### Cuntas Reatha

Bhí an-spórt acu.

## CÉIM 2. AITHRIS


## CÉIM 3. ATHRÁ Ó SPREAGTHAIGH

(a) Spreagthaigh shúl (mar atá i gCéim 1);

(b) Spreagthaigh chluas:

Céard a rinne Mamaí, Daidí agus na páistí?

Céard a rinne Daidí?



### Pictiúr: Radharc:

(a) Puball an tsorcais, Mamaí, Daidí, Páid, Bríd agus Nóirín ag dul go dtí an sorcas, airgead agus ticéid a chur i lámh Dhaidí;  
 (b) an cúigear acu ina suí, fáinne an tsorcais, fear grinn a bhfuil srón dhearg agus geansaí fada air, cailín ina seasamh ar chapall bán (ansin í ina lú ar an talamh), moncaí ag imirt peile, comhartha ceiste a chur sa chiorcal cainte de réir mar a oireann.

Agus ansin rinne an cúigear acu rud éigin?

Céard a rinne an fear grinn?

Tusa, “a Pháid”, cuir ceist faoina shrón.

Freagair é, a “Bhríd”.

Agus céard faoina gheansaí?

Agus an capall, a “Dhaidí”?

Cá bhfuil an cailín?

Tá eagla ort, a “Nóirín”.

Cén fáth?

Freagair í, a “Mhamaí”.

Agus céard faoin moncaí, a “Dhaidí”?

Agus céard atá sé a dhéanamh?

Bhí brón ar na leanaí, is dócha?

#### CÉIM 4. CLEACHTADH MÚNLAÍ AGUS FOCLÓRA

1. Chuaigh *an triúr* acu go dtí an sorcas.

(*beirt, ceathrar, cúigear, duine amháin*).

2. Fuair Daidí na ticéid.

(*an Domhnach seo chugainn, gach lá, Dé Sathairn seo caite; an? ní: inné; an? ní: amárach; an? gach lá*).

3. Bhí an-spórt acu.

(*mise, tusa, eisean, ise, sibh,\* Máire, na páistí*).

4. Tá a gheansaí an-fhada.

(*tusa, mise,† ise*)

aidiachtaí eile m.sh. *mór, beag, gearr*, etc., a úsáid in ionad *fada*.

#### CÉIM 5. SAORCHOMHRÁ CRUTHAITHEACH

1. Aithris ar an mbunchomhrá.

2. Dráma:

Chuaigh an chlann go dtí an Sú: an bunchomhrá a athrú dá réir.

3. Scéal a chumadh:

*Chuaigh Mamaí, Daidí agus mé féin go dtí an sorcas. Chonaic-eamar fear grinn . . .*

4. Comhrá faoin bpictiúr agus ceisteanna ó pháistí ar a chéile agus ar an múinteoir.

#### Rann Ceoil (An Ceol ar théip)

##### *Curfá*

Tá sorcas ar an teilifís, tá sorcas ar an teilifís

Féach anois an teilifís, tá sorcas mór ag tosú.

##### I

Tá fear grinn beag ag teacht anois,  
Ag rith, ag léim, ag rith arís  
Tá fear grinn beag ag teacht anois,  
Hó . . . !

##### II

Tá moncaí beag ag teacht anois  
Ag caitheamh uisce, tut, tut, tut,  
Tá moncaí beag ag teacht anois  
Splash . . . !

##### III

Tá capall bán ag teacht anois,  
Tá cailín álainn ar a dhroim,  
Tá capall bán ag teacht anois,  
Clip, clop . . . !

##### IV

Tá madra beag ag teacht anois  
Ag imirt peile le liathróid bheag  
Tá madra beag ag teacht anois  
Bow . . . !

##### *Curfá*

Tá sorcas ar an teilifís, tá sorcas ar an teilifís

Féach anois an teilifís, tá deireadh leis an sorcas mór.

\*.i. “Bhí an-spórt againn”.

†.i. “Tá do gheansaí an-fhada”.